



*Senin, 13 Februari 2023*  
**Ogen: Ende-enden Salomo 1:15-17**



**"Malem Kel Ateku Ibahandu"**



**E**nde-enden Salomo, eme ende-enden keleng ate si nipepulung i bas sada kitab. Ende-enden dilaki ngaloi ende-enden diberu ntah pe ende-enden dilaki ialoi ende-enden diberu. Sie kerina ncidahkan kesempabun. Ende-enden enda mekatep iertiken kalak Jahudi jadi gambaren kerna hubungan Dibata ras bangsaNa.

Hubungen sempabu perbulangen ras ndehara mpeturah ate malem, saling memahami sada ras sidebanna dengen la saling menuntut pasangen. Hubungen si harmonis rehna adi pasangen e me kalak sierkiniteken man Tuhan. Gambaren si icidahkan arah paksa tenengta wari enda kerna hubungan si harmonis e me pujin nandangi pasangen. Sekalak ndehara mujiken perbulangenna dengen sekalak perbulangen mujiken ndeharana. Pujin man pasangen erbahansa malem ate pasangen e megisa.

“Andiko mberu kal kam, o jadi ateku, matandu nalsalken keleng atendu....., malem kel ateku ibahanndu”. Pujin sierbahansa seneng ukur dengen malem ate.

Jaman gundari enda perlu kel si pujiken pasangennta, si sungkuni tupung si idah ayona la bagi biasa, mereken kejuten-kejuten tupung pasangenta ulang tahun entah pe pas wari perjabunta sibereken hadiah man bana. Tentuna labo erga entahna pe barang si meherga ituntut pasangennta tapi cirem dengen pujin pe nggo erbahansa malem ate. Hal enda perlu ikembangkan gelahna nambahi keriahen dengen mabai kemalemen ate bas pasangenta. Pujikenlah pasangenta tiap wari gelah naik imunna, sehat ras mejuah-juah ia ras kita.